

豫

章

叢

書

第
八
冊

張

華

焚

書

第
十
冊

尙論仲景傷寒論重編三百九十七法卷之四上

西昌喻昌嘉言甫著

尙論太陰經證治大意

仲景傷寒論六經中惟太陰經文止九條方止二道後人致惜其非全書昌細繹其所以約畧之意言中風卽不言傷寒言桂枝卽不言麻黃言當溫者則曰宜四逆輩全是引伸觸類之妙可見治法總不出三陽外但清其風寒之原以定發汗解肌更於腹之或滿或痛間辨其虛實以定當下當溫而已了無餘義矣自非深入闢

與老孰能會其爲全書也哉

太陰經全篇

法九條

①太陰之爲病腹滿而吐食不下自利益甚時腹自痛若下之必胸下結鞭

原文

腹滿自利太陰之本證也吐而食不下則邪迫於上利甚而腹痛則邪迫於下上下交亂胃中空虛此但可行溫散設不知而誤下之其在下之邪可去而在上之邪陷矣故胸下結鞭與結胸之變頗同胃中津液上結胸中陽氣不布卒難開也

②太陰中風四肢煩疼陽微陰澀而長者爲欲愈

原文

四肢煩疼者脾主四肢亦風淫末疾之驗也陽脉微陰脉澀則風邪已去而顯不足之象但脉見不足正恐元氣已漓暗伏危機故必微澀之中更察其脉之長而不短知元氣未漓其病爲自愈也註不審來意謂瀼爲血凝氣滯大謬豈有血凝氣滯反爲欲愈之理耶

㊦ 太陰病脉浮者可發汗宜桂枝湯 原文

太陰脉尺寸俱沉細今脉浮則邪還於表可知矣故仍用桂枝解肌之法也 太陽經中以浮緩爲中風浮緊爲傷寒故此不重贅但揭一浮字其義

卽全該風邪用桂枝湯其脉之浮緩不待言矣然則寒邪之脉浮緊其當用麻黃湯更不待言矣况少陽篇中云設胸滿脇痛者與小柴胡湯脉但浮者與麻黃湯早已挈明用麻黃湯之義故於太陰證中但以桂枝互之乃稱全現全彰也不然同一浮脉何所見而少陽當用麻黃太陰當用桂枝也哉

④自利不渴者屬太陰以其藏有寒故也當溫之宜

服四逆輩

原文

註謂自利不渴濕邪也故用四逆輩以煥土燥濕

此老生腐譚非切要也仲景大意以自利不渴者屬太陰以自利而渴者屬少陰分經辨證所關甚鉅蓋太陰屬濕土熱邪入而蒸動其濕則顯有餘故不渴而多發黃少陰屬腎水熱邪入而消耗其水則顯不足故口渴而多煩燥若不全篇通會徒博註釋之名其精微之蘊不能闡發者多矣

五傷寒脉浮而緩手足自溫者繫在太陰太陰當發身黃若小便自利者不能發黃至七八日雖暴煩下利日十餘行必自止以脾家實穢腐當去故也

原文

太陰脉本緩故浮緩雖類太陽中風然手足自溫

則不似太陽之發熱并不似少陰厥陰之四逆與厥所以繫在太陰尤爲恰當也太陰脉見浮緩其濕熱交盛勢必蒸身爲黃若小便自利者濕熱從水道暗泄不能發黃也前陽明篇中不能發黃以上語句皆同但彼以胃實而便鞭其證復轉陽明此以脾實而下穢腐其證正屬太陰耳至七八日暴煩下利日十餘行其證又與少陰無別而利盡穢腐當自止則不似少陰之煩躁有加下利漫無止期也況少陰之煩而下利手足反溫脉緊反去者仍爲欲愈之候若不辨晰而悞以四逆之法治

之幾何不反增危困耶雖陽明與太陰腑臟相連其便鞭與下利自有陽分陰分之別註家歸重於脾謂脾爲胃行津液則如此不爲胃行津液則如彼似是而非全失仲景三陰互發之旨

本太陽病鑿反下之因爾腹滿時痛者屬太陰也桂枝加芍藥湯主之

原文

太陽病之誤下其變皆在胸脇以上此之誤下而腹滿時痛無胸脇等證則其邪已入陰位所以屬在太陰也仍用桂枝解肌之法以升舉陽邪但倍芍藥以收太陰之逆氣本方不增一藥斯爲神耳

七

大實痛者桂枝加大黃湯主之

原文

大實大滿宜從急下然陽分之邪初陷太陰未可峻攻但於桂枝湯中少加大黃七表三裏以分殺其邪可也

八 太陰爲病脉弱其人續自便利設當行大黃芍藥者宜減之以其人胃氣弱易動故也

原文

此段叮嚀與陽明篇中互發陽明曰不轉失氣曰先鞭後澹曰未定成鞭皆是恐傷太陰脾氣此太陰證而脉弱便利減用大黃芍藥又是恐傷陽明胃氣也

九 太陰病欲解時從亥至丑上

何論篇卷之四

太陰全篇終

尙論仲景傷寒論重編三百九十七法卷之四中

西昌喻 昌嘉言甫著

尙論少陰經證治大意

傳經熱邪先傷經中之陰甚者邪未除而陰已竭獨是傳入少陰其急下之證反十之三急溫之證反十之七而宜溫之中復有次第不同毫釐千里粗工不解必於曾犯房勞之證始敢用溫及遇一切當溫之證反不能用詎知未病先勞其腎水者不可因是遂認爲當溫也必其人腎中之真陽素虧復因汗吐下擾之外出而不

能內返勢必藉溫藥以回其陽方可得生所以
傷寒門中亡陽之證最多卽在太陽已有種種
危候至傳少陰其辨證之際仲景多少遲徊顧
惜不得從正治之法清熱奪邪以存陰爲先務
也今以從權溫經之法疏爲前篇正治存陰之
法疏爲後篇俾業鑒者免臨歧之惑云

少陰經前篇

凡本經宜溫之證悉列此篇

一少陰病始得之反發熱脉沉者麻黃附子細辛湯
主之

原文

脉沉爲在裏證見少陰不當復有外熱若發熱者

乃是少陰之表邪卽當行表散之法者也但三陰之表法與三陽迥異三陰必以溫經之藥爲表而少陰尤爲緊關故麻黃與附子合用俾外邪出而真陽不出纔是少陰表法之正也

●少陰病得之一二日口中和其背惡寒者當灸之

附子湯主之

原文

得之一二日卽上條始得之之互文口中和者不渴不燥全無裏熱其背惡寒則陽微陰盛之機已露一斑故灸之以火助陽而消陰主之以附子湯溫經而散寒也

③少陰病得之二三日麻黃附子甘草湯微發汗以

二三日無裏證故微發汗也

原文

不吐利煩燥嘔渴爲無裏證旣無裏證病尙在表可知故以甘草易細辛而微發汗又溫散之緩法也

④少陰病欲吐不吐心煩但欲寐五六日自利而渴者屬少陰也虛故引水自救若小便色白者少陰病形悉具小便白者以下焦虛有寒不能制水故令色白也

原文

欲吐不吐心煩腎氣上逆之徵也自利而渴加以

口燥舌乾引水自救似乎傳經熱病之形悉具然
腎熱則水道黃赤若小便色白又非腎熱證乃下
焦虛寒不能制水仍當從事溫法不可悞認爲熱
而輕用寒下也

五病人脉陰陽俱緊反汗出者亡陽也此屬少陰法
當咽痛而復吐利 原文

陰陽俱緊傷寒之脉也傷寒無汗反汗出者無陽
以固護其外所以邪不出而汗先出也少陰之邪
不出則咽痛吐利一一顯少陰之本證卽當用少
陰溫經散邪之法不言可知矣